

sosiaal- da tiörvâsvuõttministeria

## SAA'MI SOSIAAL- DA TIÖRVÂSVUÕTTKÄÄZZKÖÖZZI VAA'NID RÄ'TKĶEET PUE'TTIÄÄI'J SOSIAAL- DA TIÖRVÂSVUÕTTKÖÖSKÖS -PROGRAAMMÂST

Piâr- da vuâđđkääzzkõsmini'stter **Krista Kiuru** pääi'k ool káččmest jorbb pää'rdest sagstö'lles 26.11.2019 saa'mi sââ'jest sosiaal- da tiörvâsvuõttkääzzkõözzin. Mie'ldd sagstöõllmõöžžin le'jje Sää'mte'gğ, SámiSoster rô da Saa'mi siidsâábbar.

“Sää'mkiõllsai sosiaal- da tiörvâsvuõttkääzzkõözz jia tän poodd åå'n leäkku ri'jttjeei tää'zzest. Määng vaiggâdvuõđ liä šõddâm kääzzkõsšeäččlõözzâst åarrai vaa'nin, ij-ka töid vuet rä'tkĶeed tä'lk lää'jjiõttummuž muu'ttee'l. Tuäivam što Pue'ttiääi'j sosiaal- da tiörvâsvuõttkõöskõs –prograamm õhttvuõđâst vuettep pue'reed vuet'ji”, tuätt mini'stter Kiuru.

Pue'ttiääi'j sosiaal- da tiörvâsvuõttkõöskõs -prograamm viiggât čõõđ mäddkääđlaž ooudâsviikkâmha'ñkĶõözzin jee'res beä'lnn Lää'ddjânnam. Ooudâsviikkâm tuäj väaras koo'ddid da kâđdõhttõözzid miõđât riikkveä'kĶvuõđ. Vuõssmõs teäggtemoocmõš ää'veed jooulmannust 2019.

Jorbb pää'rdest muštt'teš, što ij sä'mmlaid jurddum sosiaal- da tiörvâsvuõttkääzzkõözzi riäššmõöžž õõlgçi ärvvtõõllâđ tä'lk kiõll'laž kõõččmõššân, päi töt õõlgçi vuet'nned sää'm alggmeer obbtaarbi kiõččâmvue'jjest. Ouddmiärkkân sote-oođummseset õõlgçi ooudâsviikkâđ sää'mkiõllsaid da sää'mkulttuur meäldlaž kääzzkõözzid kuuitäg saa'mi dommvuu'dest di tuörvvâđ saa'mi vuässõõttmõš tai plaanummša.

Sosiaal- da tiörvâsvuõttkääzzkõözzi sää'mkiõllsa tuäjlažkää'dd vuäžžamvuõđâst liä vää'n nu't saa'mi dommvuu'dest gu tön åålgbeä'lnn jee'resâ'rnn mäddkää'ddest. Älddsin puk Lappi mäddkää'dd vuu'dest lij vää'nn sosiaaltuäj spesiaalä'sštobddjin, särnnamterapeutin (jeä'rben sää'mkiõllsain), puõcci- da tiörvâsvuõđhoi'ddjee'jin, njä'lmmygieniistin, bioanalytikoin, röntgenhoi'ddjee'jin da takaidâhtrin. (THL 2018)

Jorbb pää'rdest e'tkĶees rä'tkĶummšen jeä'rbi mie'ldd veiddsõs tuäimmceälaivuõđ, koon veäkkä vuet'tet tuörvvâđ kääzzkõözzi puu't'tee'jid dovo'lna sää'mkiõllsaž da sää'mkulttuur tobddi da sue'rij jee'resnallšem tuäjaid ammatškoou'ltum tuäjlažkää'dd.

### Lää'ssteäđ

mini'stter Kiuru spesiaalveä'kĶteei Timo Lehtinen, Te'l. 0295 163 387